

Na osnovu člana 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), člana 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj:2/10), Općinsko vijeće Ilijaš na svojoj redovnoj 9. sjednici održanoj dana 27.06.2013. godine, donijelo je:

**ODLUKU O DAVANJU SAGLASNOSTI ZA ZAKLJUČENJE
UGOVORA O ZAKUPU POSLOVNOG PROSTORA KOJI SE NALAZI U OBJEKTU
"AMBULANTA SA PROSTORIJAMA MJESNE ZAJEDNICE MRAKOVO"**

Član 1.

Ovom Odlukom daje se saglasnost Općinskom načelniku da zaključi Ugovor o zakupu dijela poslovnog prostora koji se nalazi u objektu "Ambulanta sa prostorijama Mjesne zajednice Mrakovo", sagrađenom na zemljištu označenom kao k.č.br. 1391/2 upisanom u K.O.Podgora (starog premjera), a što odgovara broju parcele k.č.br.1640/2 K.O.Podgora I (novi premjer), na kojem pravo raspolaganja ima Općina Ilijaš sa JU "Dom zdravlja Kantona Sarajevo".

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1_____/13
Ilijaš, 27.06.2013.godine

m.p.

Predsjedavajući
Općinskog vijeća Ilijaš

Damir Filipović,s.r.

O b r a z l o ž e n j e:

Pravni osnov za donošenje ove Odluke nalazi se u članu 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), kojim se definišu vlastite nadležnosti jedinica lokalne samouprave, između ostalog i utvrđivanje politike upravljanja i raspolaganja imovinom jedinice lokalne samouprave. Članom 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) definisane su nadležnosti Općinskog vijeća, a članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10) definisani su propisi koje donosi Općinsko vijeće.

Zaključivanje Ugovora o zakupu dijela poslovnog prostora koji se nalazi u objektu "Ambulanta sa prostorijama Mjesne zajednice Mrakovo", je jedna od posljednjih aktivnosti koje su neophodne za otvaranje ambulante porodične medicine u Mrakovu. To je posljednja ambulanta na području Općine Ilijaš definisana Odlukom o usvajanju mreže ambulanti porodične/obiteljske medicine u JU Dom zdravlja Kantona Sarajevo, koju je usvojila Skupština Kantona Sarajevo 27.januara 2005.godine ("Službene novine Kantona Sarajevo" broj:3/05).

Izgradnju ove ambulante finansiralo je Ministarstvo zdravstva Kantona Sarajevo sa 190.000,00KM.

Otvaranjem ambulante porodične medicine u Mrakovu znatno će se unaprijediti nivo zdravstvenih usluga koje će se pružati stanovnicima ove Mjesne zajednice što je potreban i dovoljan razlog da Općinsko vijeće Ilijaš usvoji Odluku o davanju saglasnosti za zaključivanje Ugovora o zakupu.

Služba za društvene djelatnosti